



Per mail a las scolas professiunalas, a las soluziuns transitoricas, als manaschis pertutgads, organisaziuns da curs ordaifer ils manaschis, als presidents da las cumissiuns d'examen ed als manaders dals examens el chantun Grischun

Cuiria, 20 matg 2021

Festa da diplom e finiziun / Consegna da l'attest federal da qualificaziun (AFQ) u attest federal professiunal (AFP) cun il certificat da las notas 2021

Stimadas dunnas e stimads signurs

A chaschun da la sesida dals 12 da matg 2021 ha il Cussegl federal relaschè il model da trais fasas per la protecziun encunter il coronavirus. Quel definescha la strategia per ils mais vegnints. Sin basa da la situaziun actuala adattada ha l'Uffizi per la furmaziun professiunala decidì da trametter a Vus las infurmaziuns cumpletantas.

Tenor l'art. 6 alinea 1^{fin} da l'ordinaziun davart las mesiras per cumbatter cunter l'epidemia da COVID-19 en la situaziun speziala (ordinaziun davart COVID-19 situaziun speziala; CS 818.101.26) èn occurrenzas cun preschientscha da public (latiers tutgan er festas da diplom e finiziun, permess che quellas èn organisadas sco occurrenza da public cun plazs da seser scumpartids) cun pli che 50 personas endadens e cun pli che 100 personas en il liber scumandadas. Aperos etc. n'èn betg lubids. Il Cussegl federal ha inizià ina consultaziun per ulteriurs pass d'avertura. Quella preveda tranter auter d'auzar il dumber maximal da las personas per occurrenzas publicas (da nov max. 100 personas endadens e maximalmain 300 personas en il liber, sco era la reducziun da la limitaziun da capaciad dad actualmain in terz sin la mesadad dals plazs da seser disponibels). La decisiun dal Cussegl federal en quest regard suonda ils 26 da matg.

Sin fundament da la situaziun actuala na savain nus betg far ina recumandaziun davart la realisaziun da festas da diplom u finiziun. Vegnan festas da diplom u finiziun realisadas tuttina tar midadas da la situaziun actuala, ston las mesiras che valan quai mument vegnir resguardadas. Malgrà la pandemia duajan las absolventas ed ils absolvents era festivar quest onn ina finiziun meritada da lur furmaziun. Per Voss engaschi da pussibilitar quai As engraziain nus gia ordavant. La decisiun davart la realisaziun sco er la responsabladad che las decisiuns da la Confederaziun vegnian resguardadas è chausa da las organisaziuns che preparan l'occurrenza.

Damai che las realisaziuns da las festas da finiziun èn anc adina intschertas, vegn l'UFP a trametter directamain l'AFQ u l'AFP cun il certificat da las notas da la sessiun d'examen 2021 als manaschis d'emprendissadi sco l'onn vargà. Consequentamain retschaivan ils emprendists, las emprendistas lur documents dal manaschi d'emprendissadi.

Jau As engraziel da prender enconuschientscha da questas infurmaziuns e da resguardar las prescripziun sco era per Voss grond engaschi en favur da la furmaziun fundamentala professiunala ed As giavisch buna sanadad.

Freundliche Grüsse
Uffizi per la furmaziun professiunala

Curdin Tuor

Copia:

- Uffizi per la furmaziun media-superiura